


1596  
95

ORDINANTIE  
NACH BELEGENHEIT  
der zeit verendert darauff die  
vnderkeuffer des V E H E,  
MARCK alle jars  
ire AZDE thun  
sollen.



ANNO M.D.LXXXVI.



ORDINANCE

FOR THE BETTER GOVERNMENT

OF THE KINGDOM OF GREAT BRITAIN

IN PARLIAMENT ASSEMBLED

BEFORE HIS MOST EXCELLENT

Majesty King George the Third

in the



ANNO MDCLXXXVI

**N**efenglich soll kein Vnder  
kauffer zugelassen werden/  
er hette dan zuuor einen  
Bürgen gesazt vor zehen  
oberlédische Keinische golt  
gülden/damit wannne er  
wider einigen Punct in diesem Ende be-  
griffen/ den vnderkauff antreffend thete/  
man wissen möge warahn man sich des  
halber hette zuerholen

Zu disem sollen die vnderkeuffer alhie  
bürgerlich zu Hausz vnd hoff gesessen/ vnd  
sonst qualifizierte personen sein/ eines Er-  
baren gehaltz/ vnd die durch die Marck-  
herrn vnd Marckmeister dafür geachtet/  
daß sie auff die Beesten verstäd haben/ da-  
mit In vnd Außwendigen mit ihnen be-  
dient werde.

Es sollen die Vnderkeuffer im anzahl  
vngesehr 24. alle jahr vor dem jüngsten  
herrn Bürgenmeistern ihre Ende thun in

gegenwertigkeit der Fleischmartherrn/  
Herren Bürgermeisters schreiber/ vnd  
Marckmeisters am Fleischmarck damit sie  
wissen kunnen/wer die vnderkeuffer seien.

Vnd sollen die vnderkeuffer zum ersten  
schweren/ daß sie vnsern Bürgern Inge  
fessenen vnd Frembdennit rathen sollen  
zu einigem Behe welches nit Kauffmans  
gutt were/ sonder das Behe trewlichen  
helffen gelden: Zuuerstehen daß sie mit  
keinen auß/oder Inwendigen/so daß Be  
he zu Marck bringen/es sey auff dem we  
ge/an Porzen off Herbergen stellen. Bier/  
Weinhäuser/ oder anders wa einig für  
gesprach halten/ vil weniger ihres genos  
halben den Verkäufern zusag vnd ver  
tröstung thun/ir Behe zuverkauffen/ vnd  
derhalben rahten/ daß sie nit eilen wollē/  
sonder abwarten bisz dem Außwendigen  
erlaubt zukauffen.

Wurde jemants darwider thun/der  
soll

soll alsbald mit vorwissen des jungsten  
Herren Bürgermeisters zu Torn ge-  
bracht werden / es wehre dan sach / daß  
derselbiger sulches vor das irstmahl mit  
wurcklicher darzelungh Io. Kadermarck  
bussen abbitten wurde.

Es sollen auch die Underkeuffer keine  
Käuff thun / dan auff Marckplätzen vnd  
zeit in meiner Herrn publicirten *Edicto* be-  
griffen / vnd wannne sie vermerckten daß  
jemand gegen gemelt *Edict* freuelte / sol-  
ches bey iren Enden den Marckhern / oder  
Marckmeister zur zeit anzeigen / insonder-  
heit aber daran sein / das niemants sich  
des Underkauffs / er hette dan disen Endt  
geleistet / vnderfange / vnder pfeen S. Ka-  
dermarck bussen.

Es sollen auch die Underkeuffer keinem  
in einigen Kauff gahn / dahe ein ander  
Underkäufer / Bürger / oder Ingesesse in,

gedincknus stunden/ es wehre dan diesel-  
bige ist von solchen Behe vnd angesan-  
genem keuff gescheyden vff straff 5. rader  
marck vossen so offit solches beschege/

Die Vnderkeuffer sollen sich aller ver-  
dechtiger parteilichkeit/ insonderheit im  
zuschlagen des kauffs durchaus enthal-  
ten. In deme sie almalen außgeben als  
hetten sie mehr angebotten dan doch in  
warheit beschehen ist/ vnd also mannichē  
vnerfahrenen vrsach geben/ in den Kauff  
zu treten. Oder sich darnacher zu regu-  
lieren/ sonder als Erbare Bürger ehrlich  
mit iren mitbürgern handeln vff pein des  
Lorngancs/ oder straff mainaidz so  
offit solches beschege.

Es soln die Vnderkeuffere den Bürger-  
ren/ vnd Ingesessenen/ so daß gesonnen  
ire sell in gleichem Trewlichē helffen ver-  
kauffen/ auff das es nit bedrogen/ sonder  
die rechtshaffene werdtshafft dafur ha-  
ben

ben mügen/ vnd sollen an den fellen kein  
gemeinschaft genosß/ bade noch vorthail  
von den Keufferen haben noch gesinnen  
vffpeen 5. Kadermarck bussen.

Item es sollen die Vnderkeuffer keine  
Kelber/ sey seien duchtig/ oder vnduchtig  
den verkeufferen abnehmen/ sich auch  
nit schencken oder in den kauffgebē lassen/  
auff gemelte Peen des Zorngangs mit  
der zahlung 10. Kadermarck fur das  
erstmal wie oben ab zu bitten.

Vnd wurde jemants Kelber zu marck  
bringen/ welche nit ober drey wochen alt  
am geringsten 24. pfund schwarz/ vnd al  
so kein Kauffmās gut wehre/ sollen sie die  
nicht verkauffen lassen/ noch verkauffen  
helffen/ sonder dem Marckmeister zu wet  
sen damit derselbig/ vermüg dem altem  
gebrauch/ verfahren möge.

Auch sollen die vnderkeuffer kein leben  
tigs Behe gelden/ noch verkauffen in ei

niger herden/ sie wissen von dem Marck-  
meister auff dem Fleischmarck/ daß die  
Beheschreibern die dabey seind/ Herren/  
oder Knecht/ ihre Eydt darauff gethã ha-  
ben/ vñnd wannnehe die Vnderkäufer  
desz gewahr wurden/ das einige Kauff-  
leuth sonder beaidte Vnderkäufer gul-  
den/ oder verkaufften daß sollen sie bey  
iren Eyden an dem vorschreiben Marck-  
meister bringen/ vñnd der sol das fort dem  
jüngsten Herrn Bürgermeistern kundt-  
thun/ vñnd daß zu richten/ vñnd zu büßen/  
als ime dunckt das sich gebüret/ doch soll  
hiemit den Fleischhewern noch Bürgern  
vñnbenommen sein auff bit einigen Bür-  
gers einich Behe zukauffen/ wannnehe sol-  
ches nit vñnd sichere belohnung beschehe/  
vñnd sie sich damit auff dem Marck er-  
nereten.

Item soll kein Vnderkäufer mehr gel-  
den/



den/nöch schlachtē/dā er mit Weib/ Kin-  
der vnd Gesindt in seinem Hausse essen/  
vnd geniessen mag vnder peen von S.  
Kadermarcken bössen.

Es sollen auch die beidte Vnderkeuffer  
fleissig acht darauff haben/das̄ niemants  
sich des̄ vnderkauffis vndernehme/wilcher  
nit angenomen noch beaidet wehre/ son-  
der solches dem Marckmeister vermelden  
vmb dem Herrn Bürgermeister Kundt  
zuthun/wilcher denselben soll abhalten/  
vnd in gebürliche straaff nhemen.

Auch soll kein Vnderkeuffer/Behe auff  
dem Marck anders gelden/ dan mit gül-  
den vnd thaler zu S 2. albus lauffenden  
geldts/ vnd fleissig darauff acht haben/  
dz solches vō andern gehalten werde/ in-  
sonders das̄ die Vieheschreibere anders  
nit schreiben/ wurde jemants darwider  
thun/ soll sich ahm halben Jahr ahm Be-  
hemarek nit erneeren/ vnd zu deme S.

B

Kader

Kadermarck von jederm stuck so also ge:  
golden wehre zu boissen geben.

Item so einig Vnderkeuffer jemanz  
Viehe gulde vmb bar geldt/ vnd darauff  
den Burgern/ oder andern dasz Viehe  
heim sente/ derselbiger soll desz tags als  
dz Viehe verkaufft worden bey der Son:  
nen dem Verkeuffer genzlich verschaf:  
fen/ vnd bezahlen/ vnd thete er solches  
nit/ vnnnd den Verkeuffer auffhielte so  
mannichen tag solch geldt vnbezalt blie:  
be vnd klage dauon queme/ so mannichē  
Kader gulden soll er von jederm Ochsen  
von einer Kohe/ oder Kind einen halben  
Kader gulden/ vom fetten fercken ein ort  
Kader gulden/ vom mager fercken zwen  
Kader albus/ vom schnacken ein Kader:  
schilling/ von jederem Schaaff/ Geiß/  
Lhamb/ Kalb/ 2. Kader albus zu bössen  
geben/ vnnnd gleich woll den Kauffschil:  
ling vnkosten vnnnd versaumnus bezah:  
len/

len/ es wehre dan sach das der Verkäuf-  
fer dem Keuffer zeit vnnnd frist gegeben  
vnd verlehent hette/ auffwelchem pfall  
der Verkäuffer sich selbst solchs zu zu-  
messen.

Es soll auch kein Vnderkeuffer/ vn-  
derkaufftreiben von einigen Fercen/ er  
soll die Fercen selber beschen / vnnnd be-  
sicht er einig fur rein / das nit rein weh-  
re/ das soll der vnderkeuffer selbst behal-  
ten vnd geben dem Keuffer sein gelt oder  
vierzehen tag respit haben/ vnd darent-  
zwischen dem Käuffer ein rein fercen  
eben so schwarz vnd fett geben/ vnnnd soll  
solcher Vnderkeuffer zu straff geben von  
jederen vor einem fercen so er rein er-  
kant hette von daler Kauffschillings/ ein  
ort daller.

Vnd druge sich zu / daß jemanß an-

B ij

gebe/

gebe / daß ein Fercken vnrein were / wilchs  
durch die Vnderkeuffere fur rein erkant  
soll kein Vnderkeuffer sich der erkandtnuß  
daruber annehmen / sonder allein dem  
Marcktmeyster damit gewerdē lassē / wel-  
chen solche erkandtnuß aufferlacht wor-  
den ist / thete jemanz dargegen / derselbig  
soll 5. Rader marck zu bussen gelden.

Item ob einig Vnderkeuffer einigen  
Bürger / oder Ingesessenen einige Ferckē  
gülde / vnd fur rein besege / die sollen zum  
wenigsten sechs wochen vnd drie tag rein  
sein vnd ob sie darnacher der wehren ein /  
oder mehr vnrein wurden befunden / daß  
soll der Vnderkeuffer nit zu thun noch zu  
schaffen haben.

Es sollen die Vnderkeuffer von ei-  
nem Ochsen sie den Bürgern oder ande-  
ren gelden / oder helffen gelden fur ire be-  
lohnung haben vnd empfangē 6. albus /  
von zweyen Ochsen sie samens Kauffs  
gelden

gelden 8. albus/ von vier aber bis zu 25.  
von jeglichen 2. albus/ vnd dan hinfort  
von einem jedern Ochsen 3. Schilling.

Vnd druge sich zu daß die Kauffleuth  
ohn Vnderkeuffer gulden sollen sie gleich,  
wol ire belohnung haben/ von einer Ku-  
he sollen die Vnderkeuffer zu gelden ha-  
ben 5. albus/ vnd von zweyen Köhen  
6. albus/ vnd vort an von jedern stück  
2. albus.

Von einem Fetten Fercken/ wilchs der  
Vnderkeuffer gilt vnd besichtigt/ oder  
allein besichtigt/ soll er haben 3. albus/  
vnd also von ein jeglichen Fetten Ferckē  
bis zu acht Fercken einschließlich: bouen  
den zall von acht Ferckē soll er von einem  
jederen stück zubesehen vnd zu geldē ha-  
ben 3. Schilling.

Von mager Fercken aber/ soll der Vn-  
derkeuffer für seine belohnung des geldēs  
vnd besehens haben von jederm stück 2.

B iij

albus/

alb. weil im dreck die besichtigüg geschicht/  
biß an den gezahl von 25. vnd dan vort/  
an I. albus/ biß zu 40. vnd hinforth  
von stück 6. heller/ von Schnacken sol/  
len sie biß zu 25. von stück haben einen  
Schilling/ vnd so ober den zahl gekaufft  
besichtiget/ oder allein besichtiget wur/  
den/ von jederm stück 3. heller.

Item vö einer Geissen/ vort von schaff/  
vnd einem Kalb/ soll der Vnderkeuffer  
zu gelden nehme 2. albus/ biß zu 25. zu/  
vnd dan hinforth von jeglichen stück ein  
Schilling.

Burden die Bürger/ oder Ingesessene  
keinen vnderkeuffer begern zugebrauchē/  
sonder einig Viehe/ es seien Ochsen/ off  
Bercken/ off anders selbst gelden/ sollen  
sie vom Vnderkäuff gefreiet bleiben.

Es sollen die Vnderkäuffer sonderlich  
off peen mein als off meiner Herrn pub/  
licirt Edict halten nicht dagegen thun  
fleis

fleissig acht neh men/ das niemants an  
ders sich des vnderkauffs vnderfange/  
das auch das Viehe vnzertheilt/ mit gan  
zen herden zu rechter zeit auff bestimpte  
marcktplätzen gedrieben/ vnd in ordnüg  
aufrichtig verkaufft werde/ wurde je  
mäs darwider thun/ oder wissentlich zu  
sehen/ das jemand anders dargegen the  
te/ vñ nit anbregte/ derselbig soll zu thorn  
gefuhrt werden/ es sey dan das er fur das  
irst mit darzehlung Io. Kadermarck bus  
sen solchẽ tornganck abbitten thete.

Es sollen die vnderkeuffere demjung  
sten Herrn Bürgermeister in vffgesakter  
Ordnung vnderwürffig sein/ vnd dessen  
erkenntnis in streittigẽ sachen stattgeben/  
gemelter Herr Bürgermeister auch macht  
habẽ vff angedeute pffel dieselbe zu thorn  
zubringen/ vnd woll ein Erbar Rath als  
dan den erzeigten freuel vnd mutwill  
nach

nach gelegenheit in ernstschafft strafft  
nehmen / vnd die hier außentstehende  
bussen soll der Herr Bürgermeister ein  
nehmen / vnd mit dem Marckther  
Bürgermeisters Schreiber / vnd  
Martmeistern seins gutdun  
ckens partieren.



602

Do 94/62

VII/13/116